

四庫全書

集部

欽定四庫全書

集部

次山集卷一
五

詳校官太常寺少卿_臣陳桂森

檢討_臣何思鈞覆勘

總校官檢討_臣何思鈞

校對官中書_臣葉蘭

謄錄監生_臣高士彦

欽定四庫全書

集部二

次山集

別集類一 唐

提要

臣等謹案次山集十二卷唐元結撰結字次

山天寶十三年進士官至邕管經畧使結所著有元子十卷李商隱為作序文編十卷李紆為作序又猗玗子一卷並見唐志今皆不傳所傳者惟此本而書名卷數皆不合蓋後

人捃拾散佚而編之非其舊本觀洪邁譏所
記二十國事如方國圓國言國相乳國無手
國無足國惡國忍國無鼻國觸國之類見于
容齋隨筆者此本皆無之則其佚篇多矣結
性不諧俗亦往往跡涉詭激初居商餘山稱
元子及逃難倚玕洞稱倚玕子又或稱浪士
或稱聲叟或稱漫叟為官後稱漫郎頗類于
古之狂者然制行高潔有閑時憂世之心文

章亦戛戛自異力變排偶綺靡之習杜甫嘗
和其春陵行稱其可為天地萬物吐氣晁公
武謂其文如古鐘磬不諧俗耳高似孫謂其
文章竒古不蹈襲蓋唐文在韓愈以前毅然
自為者自結始亦可謂耿介拔俗之姿矣皇
甫湜嘗題其浯溪中興頌曰次山有文章可
惋只在碎然長於指叙約潔有餘態心語適
相應出句多分外於諸作者間拔戟成一隊

其品題亦頗近實也乾隆四十六年九月恭
校上

總纂官臣紀昀臣陸錫熊臣孫士毅

總校官臣陸費墀

欽定四庫全書

次山集卷一

唐 元結 撰

補樂歌十首

有序

自伏羲氏至于殷室凡十代樂歌有其名亡其辭考之
傳記而義或存焉嗚呼樂聲自太古始百世之後盡無

一作亡

古音嗚呼樂歌自太古始百世之後遂無

一作亡

古

辭今國家追復純古列祠往帝歲時薦享則必作樂而

無雲門咸池韶夏之聲故探其名義以補之誠不足全
化金石反正宮羽而或存之猶乙乙冥冥有純古之聲
豈幾乎司樂君子道和焉爾凡十篇十有九章各引其
義以序之命曰補樂歌

網罟伏羲氏之樂歌也其義蓋稱伏羲能易人取禽
獸之勞

吾人苦兮水深深網罟設兮水不深

吾人苦兮山幽幽網罟設兮山不幽

右網罟二章章四句

豐年神農氏之樂歌也其義蓋稱神農教人種植之

功

猗太帝兮其智如神兮分草實兮濟我生人

猗太帝兮其功如天均四時兮成我豐年

右豐年二章章四句

雲門軒轅氏之樂歌也其義蓋言雲之出潤益萬物
如帝之德無所不施

玄雲溶溶兮垂雨濛濛
類我聖澤兮涵濡不窮
玄雲漠漠兮含映愈光
類我聖德兮溥被無方

右雲門二章章四句

九淵少昊氏之樂歌也
其義蓋稱少昊之德淵
然深遠

聖德至深兮蘊蘊
一作齋齋如淵生類
娒娒許其反兮孰知其
然

右九淵一章章四句

五莖顓頊氏之樂歌也其義蓋稱顓頊得五德之根

莖

植植萬物兮滔滔根莖五德涵柔兮淏淏

舊音客別本房戎切

而

生其生如何兮袖袖

以周反

天下皆自我君兮化成

右五莖一章章七句

六英高辛氏之樂歌也其義蓋稱帝嚳能總六合之

英華

我有金石兮擊考崇崇

一作擊拊淶淶

與汝歌舞兮上帝之風

由六合兮英華颯颯

我有絲竹兮韻和泠泠與汝歌舞兮上帝之聲由六合

兮根底羸羸

右六英二章章六句

咸池陶唐氏之樂歌也其義蓋稱堯德至大無不備
全

元化油油兮孰知其然至德汨汨兮順之以先

元化泥泥

音尼

兮孰知其然至道泱泱兮由之以全

右咸池二章章四句

大韶有虞氏之樂歌也其義蓋稱舜能紹先聖之德
森森羣象今日見生成欲聞朕初兮玄封冥冥

洋洋至化今日見深柔欲聞涵濩兮大淵油油

右大韶二章章四句

大夏有夏氏之樂歌也其義蓋稱禹治水其功能大
中國

茫茫下土兮乃生九州山有長岑兮川有深流

茫茫下土兮乃均四方國有安人兮野有封疆
茫茫下土兮乃歌萬年上有茂功兮下戴仁天

右大夏三章章四句

大濩有殷氏之樂歌也其義蓋稱湯救天下濩然得
所

萬姓苦兮怨且哭不有聖人兮誰濩育
聖人生兮天下和萬姓熙熙兮舞且歌

右大濩二章章四句

二風詩 有序

天寶丁亥中元子以文辭待制闕下著皇謨三篇二風詩十篇將欲求干司匭氏以裨天監會有司奏待制者悉去之于是歸于州里後三歲以多病習靜于商餘山病間遂題括存之此亦古之賤士不忘盡臣之分耳其義有論訂之

治風詩五篇

古有仁帝能全仁明以封天下故為至仁之詩二章

猗皇至聖今至惠至仁德施蘊蘊

紆文反

蘊蘊如何不全

不缺莫知所貺

猗皇至聖今至儉至明化流瀛瀛瀛瀛如何不號

許果反

不杲

字與音皆未詳

莫知其極

右至仁四韻十二句

古有慈帝能保靜順以涵萬物故為至慈之詩二章

至化之深今猗猗娒娒如煦如吹如負如持而不知其

慈故莫周莫止靜和而止

至化之極兮瀛瀛溶溶如涵如封如隨如從而不知其
功故莫由莫已順時而理

右至慈四韻十四句

古有勞王能執勞儉以大功業故為至勞之詩三章
至哉勤績不盈不延誰能頌之我請頌焉於戲勞王勤
亦何極濟爾九土山川溝洫

至哉儉德不豐不敷誰能頌之我請頌夫於戲勞王儉亦
何深戒爾萬代奢侈荒淫

至哉茂功不升不圯誰能頌之我請頌矣於戲勞王功
亦何大去爾兆庶洪湮災害

右至勞六韻二十四句

古有正王能正慎恭和以安上下故為至正之詩一章
為君之道何以為明功不濫賞罪不濫刑謹言則聽諂
言不聽王至是然可為明焉

右至正四韻八句

古有理王能守清一以致無刑故為至理之詩一章

理何為兮系修文德加之清一莫不順則意彼刑法設以化人致使無之而化益純所謂代刑以道去殺嗚呼嗚呼人不斯察

右至理三韻十二句

亂風詩五篇

古有荒王忘戒慎道以逸豫失國故為至荒之詩一章國有世謨仁信勤歟王實昏荒終亡此乎焉有力恣詔惑而不亡其國嗚呼亡王忍為此心敢正亡王永為世

箴

右至荒三韻十句

古有亂王肆極凶虐亂亡乃已故為至亂之詩二章
嘻乎王家曾有凶王中世失國豈非驕荒復復之難令
則可忘

嘻乎亂王王心何思暴淫虐惑無思不為生人冤怨言
何極之

右至亂二韻十二句

古有虐王昏毒狂忍無惡不及故為至虐之詩二章
夫為君上兮慈順明恕可以化人忍行昏恣獨樂其身
一徇所欲萬方悲哀於斯而喜當云乎哉

夫為君上兮兢慎儉約可以保身忍行荒惑虐暴於人
前世失國如王者多於斯不寤當如之何

右至虐四韻十八句

古有感王用姦臣以虐外寵妖女以亂內內外用亂
至於崩亡故為至惑之詩二章

賢聖為上兮必儉約戒身鑒察化人所以保福也如何
不思荒恣是為上下隔塞人神怨異

平放反

教惡無厭不

畏顛墜

聖賢為上兮用必賢正黜姦佞之臣所以長久也如何
反是以為亂矣寵邪信惑近佞好諛廢嫡立庶忍為禍
謨

右至惑六韻二十句

古有傷王以崩盪之餘無惡不為也亂亡之由固在

累積故為至傷之詩一章

夫何傷乎傷王乎欲何為乎將蠹枯矣無人救乎蠹枯
及矣不可救乎嗟傷王自為人君變為人奴為人君者
忘戒此乎

右至傷二韻十二句

二風詩論

客有問元子曰子著二風詩何也曰吾欲極帝王理亂
之道系古人規諷之流曰如何也夫至理之道先之以

仁明故頌帝堯為仁帝安之以慈順故頌帝舜為慈帝
成之以勞儉故頌夏禹為勞王修之以敬慎故頌殷宗
為正王守之以清一故頌周成為理王此理風也夫至
亂之道先之以逸惑故閔太康為荒王壞之以苛縱故
閔夏桀為亂王覆之以淫暴故閔殷紂為虐王危之以
用亂故閔周幽為惑王亡之累於積故閔周赧為傷王
此亂風也訂曰子頌善上不及羲軒湯武閔惡又不及
始皇哀靈焉可稱極帝王理亂之道對曰於戲吾敢言

極極其中道者也吾且不曰著斯詩也將系規諷乎如
義軒之道也久矣誰能師尊如湯武之德吾則不敢頌
為規法過於是也吾子審之

次山集卷一

欽定四庫全書

次山集卷二

唐 元結 撰

元謨

古者純公以惛愚聞或曰公知聖人之道天子聞之咨而問焉公謝曰臣生自山野順時而老心如草木身若鳥獸主君所問臣安能知請說所聞惟主君聽之臣曾記有說風化頽弊或以之興或以之亡者不知何代君

臣其臣曰上古之君用真而恥聖故大道清粹滋於至德至德蘊淪而人自純其次用聖而恥明故乘道施教修教設化教化和順而人從信其次用明而恥殺故沿化興法因教置令法令簡要而人順教此顏弊以昌之道也迨乎衰世之君先嚴而後殺乃引法樹刑援令立罰刑罰積重其下畏恐繼者先殺而後淫乃深刑長暴酷罰恣虐暴虐日肆其下須臾繼者先淫而後亂乃乘暴至亡因虐及滅亡滅兆鍾其下憤凶此顏弊以亡之

道也其君歎曰嗚呼真聖之風歿無象耶明順之道誰
為嗣耶嚴正之源開已竭耶殺淫之流日深大耶吾其
頌昌人之道為戒心之寶

演謨

天子聞之惛

反奴歷

然不娛冥然深思乃曰昌人之道豈

無故歟公其演之其故何如公曰嗚呼頽弊以昌之道
其由上古強毀純朴強生道德使興云云使亡惛惛始
開禮樂始鼓仁義乃有善惡乃生真偽然後勤儉之風

發而逾扇嚴急之教起而逾變須智謀以引喻須信讓以敦護是故必垂清淨必保公正所謂聖賢相逢瀛瀛溶溶不放不封乃見禁而無殺順而無訛猗悵以脂優反

游尚致平和嗚呼頽弊以亡之故其由中古轉生澆眩轉起邪詐變其族族驅令嗤嗤則見凶侈遂長淫靡然後忿爭之源流而日廣慘毒之根植而彌長用苛酷以威服用諂諛以順欲是故皆恣昏虐必生亂惡所謂庸愚相遭誼誼囂囂以悲以號乃見苦而彌怨

逆而彌悖捍援

上式連反
下式元反

怵慄

上黃練反
下餘見反

轉扇不歇天

子感之歎

於改反

然難曰噫聖賢孤獨生不駢世蒼蒼四

海生類誰濟公曰嗚呼不可遂已聖人須極道於常臣
賢人須滋德於庸君使道德優優不豐不紛乃須殺而
不淫罰而不重戒其虐惑制其昏縱

系謨

天子聞之惘然思而歎曰太皇之道於今已亡衰季之
德吾不忍當將學殺而不淫罰而不重戒其虐惑制其

昏縱行之之道惟公教之公曰於明主君斯道未易猗
明主君斯道良難敢為主君商較其端夫王者其道德
在清純玄粹惠和溶油不可恩會盪熿胡廣反衰傷元休

其風教在仁慈諭勸禮信道達不可沿以澆浮溺之淫
末其衣服在禦於四時勿加敗弊不可積以繡綺奢侈
過制其飲食在備於五味示無便耽不可煎熬珍怪尚
惑所甘其器用在絕於文彩敦尚素朴不可駢鈿珠貝
肆極侈削其宮室在省費財力以免隘陋不可殫窮土

木叢羅聯構其苑囿在合當制度使人無厭不可牆塹
肥饒極地封占其賦役在簡薄均當使各勝供不可橫
酷繁聚損人傷農其刑法在大小必當理察平審不可
煩苛暴急殺戮過甚其兵甲在防制戎夷鎮服暴變不
可怙恃威武窮黷爭戰其畋獵在順時教技不追以驅
不可騁於殺害肆極荒娛其聲樂在節諧八音聽聆金
石不可耽喜靡慢宴安淫溺其嬪嬙在備禮供侍以正
後宮不可寵貴妖艷昏好無窮其任用在拔掄材能察

視邪正不可授付非人甘順姦佞其郊祀在敦本廣敬
展誠重禮不可淫慢禱祈僻有所係其思慮在慎於安
危誠其溢滿不可沈溺近習肆任談誕如此順之為明
聖逆之為凶虐可以觀乎興廢可以見乎善惡純公言
已天子謝曰公之所述真王者之謨必當篆刻置之座
隅

說楚何荒王賦

上

梁寵王召君史問曰史之記事無有遺乎對曰有之臣

楚人也請說楚人之遺事昔聞臣何荒王使釣翁相水

相置浮宮之所相用眾

孤音

釣之處翁曰臣相水多矣不

能悉說請說湘江之流有礧

盧紅

有瀧其至險也實迴山

如闢紋

去其反

壁若合陽崖陰壑景氣常雜崩流激聲空

響相答則有崕岵

上去倫下綺兢

峻束噴瀆觸沃衝回繁漩

上方

萬下辭選

圯崖開谷故衆聲相喧積氣相昏

於女於中二切

聞深

沉出入千里常如凝陰是以魚經其中皆鬣禿鱗脫晒

休俱反舉眼也

腮嚅煦忽為淵流瀛瀛油油蘊淳無聲島嶼若

浮則有厭波濤湍險之苦者必於其間養鱗讓鬣休游
施舒如此之處皆曰魚都君王審之無易此乎荒王眺
歎曰釣翁早父其思隘歟乃欲置吾於湘水一曲釣羅
病魚吾自相水洞庭可矣於是命造眾釣於是命造浮
宮令眾釣所至淵無藏龍令浮宮所狀與仙府比同宮
有天航五忽反龍殿當居史端實灵丁郎巫鬼祝女司宮侍
何荒王而公族國卿莫得至焉宮有艸臺揭枝類擬天
都薰珍鈿塗纓佩垂紆金珠玉爐蕭瑟清冷苾馥芬敷

臣何荒王於此臺上與姓女孀

胡故反

姝雙歌閑徐娛然

自娛宮有舩

數容反

堂舩

巨禁反

房舩

古侯反

館舩

莫紅反

廊載戲

兒奴官諧奴內臣宮老優倡及翫器不名戩

徒弄反舟纜所繫

維宮傍宮有聯牖負土以為牖

力丁反

圓園多天草媚木

淫禽醜獸宮有海舩

徒紅反

之闕仡倔

上許訖下衛物

鮮懸左曰

瑞風右曰祥煙宮有四門青氣白雲丹景玄寒然後始

為鵠城匝宮屯備交戰禁御

所今反

羅攢峙其餘駭鯨

之艮

魯堂反

飛龍之舩鳧舩鶴舩

所甲反

羅宮上下者千里

相望浮宮可御而眾釣既成臣何荒王乃浮浮宮于都

龍之漩冷出洞庭之南漢

英音

將觀蠻師夷父與漁者試

眾釣於沅湘會泥

元匪反

臣何荒王始見積魚之山而喜

色未起又見眾猶畜委釣未施已滌洄淵洑周袤千里

眾中之魚皆觸感鰕駭投跳委壘可以薦車臣何荒王

輦於其上而心始喜是日置魚監拜網尉釣尹司綸各

有等次又有類龍學鯉肘釣腔

傍禮反

鈎鵬騰鶚躍潛深

錯據

下蘇合反人叢在水中貌

得怪魚狀龍者皆差授官爵寵王聞

之喜曰吾國無有長流激湍平湘大淵而不知有此樂也始知城池宮館為拘我之邸山澤鷹犬為勞我之方當誦記所聞歸學而主君史証之盛反曰不然須臣言已

或可聽焉臣聞浮宮之成也臣何荒王令羣臣有後為浮司不為浮茅者族百姓能率為浮家共為浮鄉者復方男子能湍游上下者為王賓女子能淵居移日者為王嬪未及一年遂變楚俗川原有楚室之鄉江湖有駢舟之曲家見湍上之悲戶聞臨淵之哭時野有歎曰嗚

呼有國者非喜愛亡國有家者非喜愛亡家當取其亡也如喜愛者耶今君上喜愛浮宮眾鈞令臣下喜愛浮司浮鄉吾恐君臣各迷而家國共亡此實楚正士歎臣何荒王臣願君王驚懼為心指此為箴

說楚何惑王賦中

寵王矚

音字驚貌以音訓考之當作矚

然復問君史曰更有記乎曰有

之甚妖怪也何故不說寵王曰當必為吾說之對曰臣

聞天鄙有山山有玉鼓實有天

魏力丁反

扣之歌舞蹈聲媚

金石韻便宮羽寵王曰生休矣吾將購之君史証曰不可臣所不欲說者懼君王好之君誠不忘歟臣請備說其可好乎昔臣何惑王用閭嬖之謀肆極荒淫更經年歲鑿險填深轉餽通千里萬金五譯臣妾借喻其心然後云獲非靈女撫鼓而天顰不舞非靈女引和而天顰不歌天顰舞一容化一分眇一祥禱一宛袂臣何惑王見之舒舒曳曳若多醇酎而不知所制天顰歌一化顏一主顧一更聲一換氣臣何惑王聽之娛娛懿懿若已

耐昏而不知所至天醜歌舞臣何惑王氣如陽春始霽
時雨天醜不歌舞臣何惑王心若已喪而顏壞不主嗚

呼天醜惑人至此嗚呼天醜媚人至斯加有醜醜

婢真反

姓

所申反

姓輔之使臣何惑王之心無所不欲使臣何惑

王之意無所不為獨言選女於餘可知其選女也豈止

嫫

上烏營下以成

嫫嫫及嫫未笄將語

語居反

將醜

魚兮反

將嫫

與魚反

將嫫

烏稽反

可喜美者母姨負抱姑姊引提詣於王

宮字籍王閨然後割楚國廟右為天醜作宮分楚國社

陽為魏顓作館悉楚國之好奉之已窮於所奉之心其
猶未滿楚國之人已悲咨冤怨日苦其毒其臣何惑王
尚熙懷敷娛日思未足野有直士觸而証曰大王溺於
天魏惑於魏顓不顧宗廟遂亡人民如何下命其令且
云舞者能變一度歌者能變一聲應魏樂之節數充寡
人之性情且能富其親族又能貴其父兄至於母姨姑
姊皆能與之封邑以為世榮令行逾月楚俗皆化女忘
蠶織男忘耕稼里開學歌之館鄉築教舞之榭遂使黃

鍾大呂生溺惑之聲孤竹空桑起怨離之調變風俗於
一歡忘正始於一笑大王未覺遂不節損此所謂鑿顛
覆之源造亂亡之本今之所好則妖惡之物所為又怪
醜之事義軒之耳必不肯聽堯禹之心必不肯喜臣何
惑王悟之於是使嬖臣挾玉鼓與醜樂使閹尹抱天靈
醜顛鎖以金索繫於石人沉之深淵飛檝而旋

說楚何昏王賦下

寵王曰殆哉楚國幾為浮宮醜樂所亡君史曰幾亡楚

國有甚於是昔臣何愾王極暴極虐使臣下得肆姦肆
佞肆兇肆惡臣何愾王不知如此亡可待矣而乃歎曰
嗚呼堯實皐帝禹實隸王殷周君長并夫可方焉有慘
然勞苦而為人主焉有隘然九州而列封諸侯吾必合
外荒夷狄海內人民悉奉我為欲世世臣臣此臣何愾
王所云又謀變先王之典禮更萬物之名號列宮官於
海外窮天地而復思稽極變化徵驗怪異盡難得之物
充無窮之意荒娛厭怠思計所為度國土之不大料財

力之不支乃令人曰吾欲勞汝人民休汝人民汝人民
豈知今悉汝丁壯婦人繼之童翁分力負戴而隨我已
老謀我已名師人民聽我當無二思所舉既甚所資不
足乃署官而賈鉗孤而鬻始令國中絕人謗讟贊謀者
侯敢諫者族其令朝行其俗暮改有以逃罪正言不發
萬口如封諂媚相與千顏一容野有忠臣負符矯謁偽
為齊客紿而証曰臣入君王之封域見君王之風化跼
蹐路隅不覺泣下或聞哀號或聞悲呼訊於閭里必鰥

寡惇孤或見凶侈或見驕奢訊於左右必公侯之家客
說未已臣何惛王曰然乎謂何對曰意君王不知忠正
不植姦佞駢生能焯上相焦焄下音枯仁惠冒蓋聰明令巧媚

得口為矛戟令姦凶得心為甲兵此皆明跡甚於鬼神
發機有若雷霆寶畏君王已芻於牢圜寶恐君王已暴
夫乾枯君王如何不是念乎臣恐楚國化為荒野臣恐
君臣不如犬馬臣何惛王於是眴容而慚撫身而哀仰
為客曰君幸憐之得無戒哉君王為臣化心心化身身

化人嗚呼遁化之道在制於内外外之入也有視聽
言聞內之出也有性情嗜慾出入相應必有禍福臣何
惜王聞之讌居化心諷誦斯言終身為箴遂罷已成之
事寢未成之謀廢所賈之官復所鬻之孤敢諫者侯贊
謀者誅君史言已王客捧酒為寵王壽起而贊曰君史
說楚似欲戒梁敢願君王示鑒不忘

次山集卷二

欽定四庫全書

次山集卷三

唐 元結 撰

閔荒詩一首

天寶丙戌中元子浮隋河至淮陰間其年水壞河防
得隋人冤歌五篇考其歌義似冤怨時主故廣其意
採其歌為閔荒詩一篇其餘載于異錄

煬皇嗣君位隋德滋昏幽日作及身禍以為長世謀居

常恥前王不思天子遊意欲出明堂便登浮海舟令行
山川改功與玄造俾河淮可支合峯峴生回溝封隕下
澤中作山防逸流船艫狀龍鷁若負官闕浮荒娛未央
極始到滄海頭忽見海門山思作望海樓不知新都城
已為征戰丘當時有遺歌歌曲太冤愁四海非天獄何
為非天囚天囚正凶忍為我萬姓讎人將引天鈔人將
持天鏐

上所監
下所求

所欲充其心相與絕悲憂自得隋人歌

每為隋君羞欲歌當陽春似覺天下秋更歌曲未終如

有怨氣浮奈何昏王心不覺此怨尤遂令一夫唱四海
忻提矛吾聞古賢君其道常靜柔慈惠恐不足端和忘
所求嗟嗟有隋氏惛惛誰與儔

系樂府十二首

并序

天寶辛未中元子將前世嘗可稱歎者為詩十二篇
為引其義以名之總命曰系樂府古人歌詠不盡其
情聲者化金石以盡之其歡怨甚耶戲音呼盡歡怨之
聲者可以上感於上下化於下故元子系之

思太古

東南三千里沅湘為太湖湖上山谷深有人多似愚嬰

孩寄樹顛就水捕鷁

於都反

鱸所歡同鳥獸身意復何拘

吾行過九州此風皆已無吁嗟聖賢教不覺久踟蹰

隴上歎

援車登隴坂窮高遂停駕延望戎狄鄉巡迴復悲咤滋
移有情教草木猶可化聖賢禮讓風何不遍西夏父子
忍猜害君臣敢欺詐所適今若斯悠悠欲安舍

頌東夷

嘗聞古天子朝會張新樂金石無全聲宮商亂清濁來
驚且悲歎節變何煩數始知中國人耽此亡純朴爾為
外方客何為獨能覺其音若或在蹈海吾將學

賤士吟

南風發天和和氣天下流能使萬物榮不能變霸愁為
愁亦何爾自請說此由諂競實多路苟邪皆共求嘗聞
古君子指以為深羞正方終莫可江海有滄洲

歛乃曲

歛音襖乃音
靄棹船之聲

誰能聽歛乃歛乃感人情不恨湘波深不怨湘水清所
嗟豈敢道空羨江月明昔聞扣斷舟引釣歌此聲始歌
悲風起歌竟愁雲生道曲今何在逸為漁父行

貧婦詞

誰知苦貧夫家有愁怨妻請君聽其詞能不為酸嘶所
憐抱中兒不如山下麀空念庭前地化為人吏蹊出門
望山澤回顧心復迷何時見府主長跪向之啼

去鄉悲

踟躕古塞關悲歌為誰長日行見孤老羸弱相提將聞
其呼怨聲聞聲問其方乃言無患苦豈棄父母鄉非不
見其心仁惠誠所望念之何可說獨立為悽傷

壽翁興

借問多壽翁何方自修育惟云順所然忘情學草木始
知世上術勞苦化金玉不見充所求空聞恣耽欲清和
存王母潛獲

胡故反

無亂黷誰正好長生此言堪佩服

農臣怨

農臣何所怨乃欲干人主不識天地心徒然怨風雨將
論草木患欲說昆蟲苦巡迴官闕傍其意無由吐一朝
哭都市淚盡歸田畝謠頌若採之此言當可取

謝大龜

客來自江漢云得雙大龜且言龜甚靈問我君何疑自
昔保方正顧嘗無妄私順和固鄙分全守真常規行之
恐不及此外將何為惠恩如可謝占問敢終辭

古遺歎

古昔有遺歎所歎何所為有國遺賢臣萬世為冤悲所
遺非遺望所遺非可遺所遺非遺用所遺在遺之嗟嗟
山海客全獨竟何辭心非膏濡類安得無不遺

下客謠

下客無黃金豈思主人憐客言勝黃金主人然不然珠
玉成彩翠綺羅如嬋娟終恐見斯好有時去君前豈知
保忠信長使令德全風聲與時茂歌頌萬千年

石宮四詠

石宮春雲白白雲宜蒼苔拂雲踐石徑俗士誰能來
石宮夏水寒寒水宜高林遠風吹蘿蔓野客熙清陰
石宮秋氣清清氣宜山谷落葉逐霜風幽人愛松竹
石宮冬日暖暖日宜溫泉晨光靜水霧逸者猶安眠

與党評事

有序

大理評事党曄好閒自退元子愛之作詩贈焉

自顧無功勞一歲官再遷跼身班次中常竊愧恥焉加

以久荒浪昏愚性頗全未知在冠冕不合無拘牽勤強
所不及於人或未然豈忘惠君子恕之識見偏且欲因
我心順為理化先彼云萬物情有願隨所便愛君得自
遂令我空淵禪

與党侍御

有序

庚子中元子次山為監察御史党茂宗罷大理評事
次山愛其高尚曾作詩一篇與之及次山未辭殿中
茂宗已受監察採茂宗嘗相誚戲之意又作詩與之

衆坐吾獨歡或問歡為誰高人党茂宗復來官憲司昔
吾順元和與世行自遺茂宗正作吏日有趨走疲及吾
汙冠冕茂宗方矯時諂吾順讓者乃是干進資今將問
茂宗茂宗欲何辭若云吾無心此來復何為若云吾有
羞於此還見嗤誰言萬類心閑之不可窺吾欲喻茂宗
茂宗宜聽之長轅有脩轍馭者令爾馳山谷安可怨筋
力當自悲嗟嗟党茂宗可為識者規

寄源休

有序

辛丑中元結與族弟源休皆為尚書郎在荆南府幕
休以曾任湖南久理長沙結以曾遊江州將兵鎮九
江自春及秋不得相見故抒神與反所懷以寄之

天下未偃兵儒生預戎事功勞安可問且有忝官累昔
常以荒浪不敢學為吏况當在兵家言之豈容易忽然
向三歲境外為偏帥時多尚矯詐進退多欺貳縱有一
直方則上似姦智誰為明信者能辨此勞畏

與灤溪鄰里有序

乾元元年元子將家自全于瀼溪上元二年領荆南
之兵鎮于九江方在軍旅與瀼溪鄰里不得如往時
相見遊又知瀼溪之人日轉窮困故作詩與之

昔年苦逆亂舉族來南奔日行幾十里愛君此山村峰
谷呀回映誰家無泉源脩竹多火路扁舟皆到門瀼溪
中曲濱其陽有閒園鄰里昔贈我許之及子孫我嘗有
墮乏鄰里能相分我嘗有不安鄰里能相存斯人轉貧
弱力役非無冤終以瀼濱訟無令天下論

喻瀼溪鄉舊遊

往年在瀼濱
瀼人皆忘情
今來遊瀼鄉
瀼人見我驚
我心與瀼人
豈有辱與榮
瀼人異其心
應為我冠纓
昔賢惡如此
所以辭公卿
貧窮老鄉里
自休還力耕
況曾經逆亂
日厭聞戰爭
尤愛一溪水
而能存讓名
終當來其濱
飲啄全此生

忝官引

天下昔無事
僻居養愚鈍
山野性所安
熙然自全順
忽

逢暴兵起閭巷見軍陣將家瀛海濱自棄同芻蕘往在
乾元初聖人啓休運公車詣魏闕天子垂清問敢誦王
者箴亦獻當時論朝廷愛方直明主嘉忠信屢授不次
官曾與專征印兵家未曾學榮利非所徇偶得兇醜降
功勞愧分寸爾來將四歲慙恥言可盡請取寃者辭為
吾忝官引寃辭何者苦萬邑餘灰燼寃辭何者悲生人
盡鋒刃寃辭何者甚力役遇勞困寃辭何者深孤弱亦
哀恨無謀救寃者祿位安可近而可愛軒裳其心又干

進此言非作戒此言敢貽訓實欲辭無能歸耕守吾分

樊上漫作

漫家郎亭下復在樊水邊去郭五六里扁舟到門前山
竹遶茅舍庭中有寒泉西邊雙石峯引望堪忘年四鄰
皆漁父近渚多閒田且欲學耕釣於斯求老焉

酬裴雲客

自厭久荒浪於時無所任耕釣以為事來家樊水陰甚
醉或漫歌甚閒亦漫吟不知愚僻意稱得雲客心雲客

方持斧與人正相臨符印隨坐起守位常森森縱能有
相招豈暇來山林

酬孟武昌苦雪

積雪閒山路有人到庭前云是孟武昌令獻苦雪篇長
吟未及終不覺為淒然古之賢達者與世竟何異不能
救時患諷諭以全意知公惜春物豈非愛時和知公苦
陰雪傷彼灾患多姦兇正驅馳不合問君子林鷺與野
獸無乃怨於此兵興向九歲稼穡誰能憂何時不發卒

何日不殺牛耕者日已少耕牛日已希皇天復何忍更
又恐斃之自經危亂來觸物堪傷歎見君問我意只益
胸中亂山禽飢不飛山木凍皆折懸泉化為冰寒水近
不熱出門望天地天地皆昏昏時見雙峰下雪中生白
雲

漫問相里黃州

東鄰有漁父西鄰有山僧各問其情性變之俱不能公
為二千石我為山海客志業豈不同今已殊名跡相里

不相類相友且相異何況天下人而欲同其意人意苟不同分寸不相容漫問軒裳客何如耕釣翁

喻舊部曲

漫遊樊水陰忽見舊部曲尚言軍中好猶望有所屬故令爭者心至死終不足與之一杯酒喻使燒戎服兵興向十年所見堪歎哭相逢是遺人當合識榮辱勸汝學全生隨我禽退谷

雪中懷孟武昌

冬來三度雪農者歎歲稔我麥根已濡各得在倉廩天

寒未能起孺子驚人寢云有山客來籃中見冬草

上生木

燒柴為溫酒煮鰕為作瀋

尸甚反羹汁

客亦愛杯搏思君共

杯飲所嗟山路閒時節寒又甚不能苦相邀興盡還就
枕

喻常吾直

時為攝官

山澤多飢人間里多壞屋戰爭且未息微斂何時足不
能救人患不合食天粟何況假一官而苟求其祿近年

更長吏數月未為速來者罷而官豈得不為辱勸為辭
府主從我遊退谷谷中有寒泉為爾洗塵服

招孟武昌

有序

漫叟作退谷銘指曰干進之客不得遊之作杯湖銘
指曰為人厭者勿泛杯湖孟士源嘗黜官無情干進
在武昌不為人厭可遊退谷可泛杯湖故作詩招之
風霜枯萬物退谷如春時窮冬涸江海杯湖澄清漪湖
盡到谷口單船近堦墀湖中更好坐見大江水敬石

為水涯半山在湖裏谷口更何好絕壑流寒泉松桂蔭
茅舍白雲生坐邊武昌不干進武昌人不厭退谷正可
遊杯湖任來泛湖上有水鳥見人不飛鳴谷中有山獸
往往隨人行莫將車馬來令我鳥獸驚

登殊亭作

時節方大暑試來登殊亭憑軒未及息忽若秋氣生主
人既多閒有酒共我傾坐中不相異豈限醉與醒漫歌
無人聽浪語無人驚時復一回望心目出四溟誰能守

纓佩日與災患并請君誦此意令彼惑者聽

漫酬賈沔州有序

賈德方與漫叟者懼漫叟不能甘窮獨懼叟又須為
官故作詩相喻其指曰勸爾莫作官作官不益身因
德方之意遂漫酬之

往年壯心在嘗欲濟時難奉詔舉州兵令得誅暴叛上
將屢顛覆偏師嘗救亂未曾弛戈甲終日領簿案出入
四五年憂勞忘昏旦無謀靜兇醜自覺愚且悞豈欲皂

樗中爭食麤與蕢

蕢糠中可食者下沒反牛馬食餘草節曰蕢下諫反

去年辭職

事所懼貽憂患天子許安親官又得閒散自家樊水上

性情尤荒慢雲山與水木似不憎吾漫以茲忘時世日

盆無畏憚漫醉人不嗔漫眠人不喚漫遊無遠近漫樂

無早晏漫中漫亦忘名利誰能算聞君勸我意為君一

長歎人誰年八十我已過其半家中孤弱子長子未及

冠且為兒童主種樂老溪澗

漫歌八曲有序

壬寅中漫叟得免職事漫家樊上修耕釣以自資作
漫歌八曲與縣大夫孟士源欲士源唱而和之

故城東

漫惜故城東良田野草生說向縣大夫大夫勸我耕
耕者我為先耕者相次焉誰愛故城東今為近郭田

西陽城

江北有大洲洲上堪力耕此中宜五穀不及西陽城
城畔多野桑城中多古荒衣食可力求此外何所望

大回中

樊水欲東流大江又北來樊山當其南北中為大回
回中魚好遊回中多釣舟漫欲作漁人終焉無所求

小回中

叢石橫大江人言是釣臺水石相衝激此中為小回
回中浪不惡復在武昌郭來客去客船皆向此中泊
將牛何處去二首

將牛何處去耕彼故城東相伴有田父相歡惟牧童

將牛何處去耕彼西陽城叔閑修農具直者伴我耕閑

漫叟韋氏甥直者漫叟長子也

將船何處去二首

將船何處去釣彼大回中叔靜能鼓橈正者隨弱翁靜

漫叟李氏甥止者漫叟次子也

將船何處去送客小回南有時逢惡客非酒徒即為惡客還家

亦少酣

次山集卷三

欽定四庫全書

次山集卷四

唐 元結 撰

春陵行

有序

癸卯歲漫叟授道州刺史道州舊四萬餘戶經賊已
來不滿四十大半不勝賦稅到官未五十日承諸使
徵求符牒二百餘封皆曰失其限者罪至貶削於戲
若悉應其命則州縣破亂刺史欲焉逃罪若不應命

又卽獲罪戾必不免也吾將守官靜以安人待罪而
已此州是春陵故地故作春陵行以達下情

軍國多所需切責在有司有司臨郡縣刑法競欲施供
給豈不憂微敝又可悲州小經亂亡遺人實困疲大鄉
無十家大族命單羸朝餐是草根暮食是木皮出言氣
欲絕意速行步遲追呼尚不忍况乃鞭扑之郵亭傳急
符來往跡相追更無寬大恩但有迫促期欲令嚮兒女
言發恐亂隨悲使索其家而又無生資聽彼道路言怨

傷誰復知去冬山賊來殺奪幾無遺所願見王官撫養
以惠慈奈何重驅逐不使存活為安人天子命符節我
所持州縣忽亂亡得罪復是誰逋緩違詔令蒙責固所
宜前賢重守分惡以禍福移亦云貴守官不愛能適時
顧惟孱弱者正直當不虧何人采國風吾欲獻此辭

賊退示官吏

有序

癸卯歲西原賊入道州焚燒殺掠幾盡而去明年賊
又攻永州破邵不犯此州邊鄙而退豈力能制敵歟

蓋蒙其傷憐而已諸使何為忍苦徵斂故作詩一篇
以示官吏

昔歲逢太平山林二十年泉源在庭戶洞壑當門前井
稅有常期日晏猶得眠忽然遭世變數歲親戎旃今來
典斯郡山夷又紛然城小賊不屠人貧傷可憐是以陷
鄰境此州獨見全使臣將王命豈不如賊焉今彼徵斂
者迫之如火煎誰能絕人命以作時世賢思欲委符節
引竿自刺船將家就魚麥歸老江海邊

遊右溪勸學者

小溪在城下形勝堪賞愛尤宜春水滿水石更殊怪長
山勢回合井邑相縈帶石林繞舜祠西南正相對階庭
無爭訟郊境罷守衛時時溪上來勸引辭學輩今誰不
務武儒雅道將廢豈忘二三子旦夕相勉勵

遊惠泉示泉上學者

顧吾漫浪久不欲有所拘每到惠泉上情性可安舒草
堂在山曲澄澗涵階除松竹蔭幽徑清源湧坐隅築塘

金史卷之八
列國畦引流灌時蔬復在郊郭外正堪靜者居愜心則
自適喜尚人或殊此中若可安不佩銅虎符

石魚湖上作 有序

漣泉南上有獨石在水中狀如遊魚魚凹處修之可
以踞 舉魚反 酒水涯四匝多欹石相連石上堪人坐水
能浮小舫載酒又能繞石魚洞流乃命湖曰石魚湖
鐫銘於湖上顯示來者又作詩以歌之

吾愛石魚湖石魚在湖裏魚背有酒樽繞魚是湖水兒

童作小舫載酒勝一杯座中令酒舫空去復滿來湖岸
多欹石石下流寒泉醉中一盃快意無比焉金玉吾
不須軒冕吾不愛且欲坐湖畔石魚長相對

宴湖上亭作

廣亭蓋小湖湖亭實清曠軒窗幽水石怪異尤難狀石
樽能寒酒寒水宜初漲岸曲坐客稀杯浮上搖漾遠風
入簾幕淅瀝吹酒舫欲去未回時飄飄正堪望酣興思
共醉促酒更相向舫去若驚鳬容瀛滿湖浪朝來暮忘

返暮歸獨惆悵誰肯愛林泉從吾老湖上

引東泉作

東泉人未知在我左山東引之傍山來垂流落庭中宿
霧含朝光掩映如殘虹有時散成雨飄灑隨清風衆源
發淵竇殊怪皆不同此流又高懸瀟瀟乎袁反在長空山
林何處無茲地不可逢吾欲解纓佩便為泉上翁

登白雲亭

出門上南山喜逐松徑行窮高欲極遠始到白雲亭長

山繞井邑登望宜新晴洲渚曲湘水縈回隨郡城九疑
千萬峯嶸嶸天外青煙雲無遠近皆傍林嶺生俯視松
竹間石水何幽清涵映滿軒戶娟娟如鏡明何人病懣
濃積醉且未醒與我一登臨為君安性情

漣陽亭作

有序

初得漣泉則為亭於泉上因開簷雷又得石渠泉渠
相宜亭更加好以亭在泉北故命之曰漣陽亭

問吾常讌息泉上何處好獨有漣陽亭令人可終老前

軒臨漣泉憑几漱清流外物自相擾淵淵還復休有時
出東戶更欲簷下坐非我意不行石渠能留我峯石若
鱗次欹垂復旋回為我引漣泉泠泠簷下來天寒宜泉
溫泉寒宜大暑誰到漣陽亭其心肯思去

夜讌石魚湖作

風霜雖慘然出遊熙天正

平聲

登臨日暮歸置酒湖上亭

高燭照泉深光華溢軒楹如見海底日瞳瞳

日始明
徒紅反始

欲生夜寒閉窗戶石溜何清泠若在深洞中半崖聞水

聲醉人疑舫影呼指遞相驚何故有雙魚隨吾酒舫行
醉甯能誕語勸醉能忘情坐無拘忌人勿限醉與醒

招陶別駕家華陽作

海內厭兵革騷騷十二年華陽洞中人似不知亂焉誰
能家此地終老可自全草堂背巖洞幾峰軒戶前清渠
匝庭堂出門仍灌田半崖盤石徑高亭臨極顛引望見
何處逶迤隴北川杉松幾萬株蒼蒼滿前山巖高曖華
陽飛溜何潺潺洞深迷遠近但覺多洄淵晝遊興未盡

日暮不欲眠探燭飲洞中醉昏漱寒泉始知天下心耽
愛各有偏陶家世高逸公忍不獨然無或畢婚嫁竟為
俗務牽

題孟中丞茅閣

小山為郡城隨水能縈紆亭亭最高處今是西南隅杉
大老猶在蒼蒼數十株垂陰滿城上枝葉何扶疎乃知
四海中遺事誰謂無及觀茅閣成始覺形勝殊憑軒望
熊湘雲樹連蒼梧天下正炎熱此然冰雪俱客有在中

坐頌歌復何如公欲舉遺材如此佳木歟公方庇蒼生
又如斯閣乎請達謠頌聲願公且踟蹰

劉侍御月夜讌會

我從蒼梧來將耕舊山田踟蹰為故人且復停歸船日
夕得相從轉覺和樂全愚愛涼風來明月正滿天河漢
望不見幾星猶粲然中夜興欲酣改坐臨清川未醉恐
天旦更歌促繁絃歡娛不可逢請君莫言旋

別孟校書

吾聞近南海乃是魑魅鄉忽見孟夫子歡然遊此方忽
喜海風來海帆又欲長漂漂隨所去不念歸路長君有
失母兒愛之似阿陽始解隨人行不欲離君傍相勸早
旋歸此言慎勿忘

別何員外

誰能守清躅誰能嗣世儒吾見何君饒為人有是夫黜
官二十年未曾暫崎嶇終不病貧賤寥寥無所拘忽然
逢知己數月領官符猶是尚書郎收賦來江湖人皆悉

蒼生隨意極所須比盜無兵甲似偷又不如公能獨寬
大使之力自輸吾欲探時謠為公伏奏書但恐抵忌諱
未知肯聽無不然且相送醉歡於坐隅

窠樽詩

巉巉小山石數峰對窠亭窠石堪為樽狀類不可名巡
回數尺間如見小蓬瀛樽中酒初漲始有島嶼生豈無
日觀峰直下臨滄溟愛之不覺醉醉卧還自醒醒醉在
樽畔始為吾性情若以形勝論坐隅臨郡城平湖近塔

砌遠山復青青異木幾十株枝條冒簷楹盤根滿石上
皆作龍蛇形酒堂貯釀器戶牖皆罌鉶此樽可常滿誰
是陶淵明

登九疑第二峰

九疑第二峰其上有仙壇杉松映飛泉蒼蒼在雲端何
人居此處云是魯女冠不知幾百歲讌坐餌金丹相傳
羽化時雲鶴滿峯巒婦中有高人相望空長歎

宿洄溪翁宅

長松萬株遶茅舍怪石寒泉近簷下老翁八十猶能行
將領兒孫行拾稼吾羨老翁居處幽吾愛老翁無所求
時俗是非何足道得似老翁吾即休

石魚湖上醉歌有序

漫叟以公田米釀酒因休暇則載酒於湖上時取一
醉歡醉中據湖岸引臂向魚取酒使舫載之徧飲坐
者意疑倚巴丘酌於君山之上諸子環洞庭而坐酒
舫泛泛然觸波濤而往來者乃作歌以長之

金史已見全書
卷四
石魚湖似洞庭夏水欲滿君山青山為樽水為沼酒徒
歷歷坐洲島長風連日作大浪不能廢人運酒舫我持
長瓢坐巴丘酌飲四坐以散愁

宿無為觀

九疑山深幾千里峰谷崎嶇人不到山中舊有仙姥家
十里飛泉遶丹竈如今道士三四人茹芝鍊玉學輕身
霓裳羽蓋傍臨壑飄飄似欲來雲鶴

無為洞口作

無為洞口春水滿無為洞傍春雲白愛此跼蹐不能去
令人悔作衣冠客洞傍山僧皆學禪無求無欲亦忘年
欲問其心不能問我到此中得無悶

朝陽巖下歌

朝陽巖下湘水深朝陽洞口寒泉清零陵城郭夾湘岸
巖洞幽奇當郡城荒蕪自古人不見零陵徒有先賢傳
水石為娛安可羨長歌一曲畱相勸

說洄溪招退者

在州南江華縣

金華山人集 卷四
長松亭亭滿四山山間乳竇流清泉洄溪正在此山裏
乳水松膏常灌田松膏乳水田肥良稻苗如蒲米粒長
麋色如珈玉液酒酒熟猶聞松節香溪邊老翁年幾許
長男頭白孫嫁女問言只食松田米無藥無方向人語
洄溪石下多泉源盛夏大寒冬大溫屠蘇宜在水中石
洄溪一曲自當門吾今欲作洄溪翁誰能住我舍西東
勿憚山深與地僻羅浮尚有葛仙翁

宿丹崖翁宅

扁舟欲到瀧口湍春水湍瀧上水難投竿來泊丹崖下
得與崖翁盡一歡丹崖之亭當石顛破竹半山引寒泉
泉流掩映在木杪有若白鳥飛林間往往隨風作霧雨
濕人巾履滿庭前丹崖翁愛丹崖棄官幾年崖下家兒
孫棹船抱酒甕醉裏長歌揮釣車吾將求退與翁遊學
翁歌醉在魚舟官吏隨人往未得却望丹崖慙復羞

欽乃曲五首

有序

大厯丁未中浸叟以軍事詣都使還州逢春水舟行

金匱要略卷四
不進作欸乃五曲舟子唱之蓋欲取適於道路耳詞

曰

偶存名跡在人間順俗與時未安閒來謁大官兼問政
扁舟却入九疑山

湘江二月春水平滿月和風宜夜行唱橈欲過平陽戍
守吏相呼問姓名

千里楓林煙雨深無朝無暮有猿吟停橈靜聽曲中意
好是雲山韶濩音

零陵郡北湘水東
浯溪形勝滿湘中
溪口石顛堪自逸
誰能相伴作漁翁

下龍船似入深淵
上龍船似欲昇天
龍南始到九疑郡
應絕高人乘興船

次山集卷四

欽定四庫全書

次山集卷五

唐 元結 撰

引極三首

有序

引極興也喻也引之言演極之言盡演意盡物引興
極喻故曰引極

思元極

天曠漠

莫郎反

兮杳泱

烏朗反

茫氣浩浩兮色蒼蒼上何有

金少卿八言
卷五
兮人不測積清寥兮成元極彼元極兮靈且異思一見

兮藐

反忙招

難致思不從兮空自傷心慄

反蘇遭

惓兮意惶

懷思假翼兮鸞鳳乘長風兮上

反古送

揖元氣兮本深

實餐至和兮永終日

望仙府

山鑿落兮眇嶽岑雲溶溶兮木琴琴中何有兮人不覩
遠歆差兮闕仙府彼仙府兮深且幽望一至兮藐無由
望不從兮知如何心混混兮意渾和思假足兮虎豹超

阻絕兮凌越

諸教反

詣仙府兮從羽人餌五靈兮保清真

懷潛君

海浩淼兮汨洪溶
流蘊蘊兮濤洶洶
下何有兮人不聞
深溢漭兮居潛君
彼潛君兮聖且神
思一見兮貌無因
思不從兮空踟躕
心回迷兮意縈紆
思假鱗兮鯢龍激

沈

湖浪反

浪兮奔從拜潛君
兮索玄寶佩元符
兮軌皇道

演興四首

有序

商餘山有太靈古祠傳云蔡龍氏祠大帝所立祠在

少餘西乳之下邑人修之以祈田予因為招祠訟閔
之文以演興辭曰

招太靈

招太靈兮山之顛山屹光兮水淪漣祠之櫺

洛代反兮墮壞也

眇何年木脩脩兮草鮮鮮嗟魑魅兮淫厲自古昔兮崇

祭禧太靈兮端清予願致夫精誠久惕

奴厯反

兮恍恍

處龍

反招摅摅

郎丁反

兮呼風風之聲兮起颺颺吹玄雲兮散

而浮望太靈兮儼而安澹油溶兮都清閑

初祀

山之乳兮葦太祠木孫為楠兮木母榱雲纓為楫

莫到門

樞之橫梁

兮愚木栢洞淵禪兮揭巍巍塗木蘭兮時

市之

糅

薦被弱草兮禘祫聯化

許訖反

渾洪兮馥聞聞管化石兮

洞剡天翹修鈿兮棹蕪艾靈巫課

力軌反

兮舞頤干薦天

鱗

羊至反字音皆未詳

兮酒陽泉獻水芸兮飯霜私

相然反

與太靈

兮千萬年

訟木魅

登高峯兮俯幽谷心悻悻

倉卒反

兮念羣木見擣拷兮相

陰覆憐授榕

上七林下余封

兮不豐茂見榛梗之森梢閱縱播

上土恭下甫元

兮合蠹楫

以八反

橈橈

女教反

兮未堅楫

韋鬼反

根根

力唐反

兮可屈榕

美畢反

林搏

上而寸下茲損

兮不香拔丰茸兮已

實豈元化之不均兮非雨露之偏殊諒理性之不等於

順時兮不如瘳

於計反

吾心以冥想終念此兮不怡怡

徒充

反以書義考之當作伺

予莫識天地之意兮願截惡木之根傾臬

獍之古巢取

闕

童以為薪割大水使飛焰徯枯腐之燒

焚實非吾心之不仁惠也豈恥夫善惡之相紛且欲畚

三河之膏壤裨濟水之清漣將封灌乎善木令櫛櫛

息迤

反

以挺挺

丑然反

尚畏乎衆善之未茂兮為衆惡之所挑

凌思聚義以為曹令敷扶以相勝取方所以柯如今吾

將出於南荒求壽藤與燭木吾將出於東方祈有德而

來歸輔神櫪與堅香且憂顛之翩翩又愁獫

以主反

之奔

馳及陰陽兮不和惡此土之失時令神櫪兮不茂使堅

香兮不滋重嗟惋兮何補每齋心以精意切援祝於神

明冀感通於天地猶恐衆妖兮木魅魍魎兮山精上誤
感於靈心經結于言兮不聽敢引佩以指水誓吾心兮

自明

閔嶺中

郎丁反

登羣山以延想吾獨閔乎嶺中彼嶺中兮何有有天含
之玉峰殊閔絕之極顛上聞產乎翠茸欲採之以將壽
眇不知夫所從大淵蘊蘊兮絕棧士眼反岌岌非梯梁以
通險當無路兮可入彼猛毒兮曹聚必憑託乎阻脩常

儼儼兮伺人又如何兮不愁彼妖精兮變怪必假見於

風雨常閃閃而伺人又如何兮不苦欲仗仁兮託信將

徑往兮不難久懷懷以悵惋

上力膺下鳥段

却遲迴而永歎懼

太靈兮不知以予心為永惟若不可乎遂已吾終保夫

直方則必蒙皮篋

莫招反

以為矢絃毋筱

以周反

以為弧化

毒銅以為戟刺棘竹以為足得猛烈之材獲與之而並

驅且春刺乎惡毒又引射夫妖怪盡羣類兮使無令善

仁兮不害然後採棖榕以駕深收樅櫨

胡桂反

兮梯險躋

予身之飄飄承予步之蹢躅

以冉反

入嶺中而登玉峰極

閼絕而求翠茸將吾壽兮隨所從思未得兮馬如龍獨
翳蔽於山顛久低回而愠瘳空仰訟於上玄彼至精兮
必應寧古有而今無將與身而皆亡豈言之而已乎

七不如七篇

有序

元子常自愧不如孩孺不如宵寐又不如病又不如
醉有思慮不如靜而閒有喜愛不如忘其情及其甚
也不如草木此意多顯於元子者或曰訂如是

他丁反

不如則不如也不如如者止於此乎元子於是系之
於人事續以淺反之於此喻始為七不如不如之義始
極也

第一

元子以為人之毒也毒於鄉毒於國毒於鳥獸毒於草
木不如毒其形毒其命毒其姻戚毒其家族者爾於戲
毒可頌也乎哉毒有甚焉何如

第二

元子以為人之媚也媚於時媚於君媚於朋友媚於鄉
縣不如媚於廩媚於室媚於市肆媚於道路者爾於戲
媚可頌也乎哉媚有甚焉何如

第三

元子以為人之詐也詐於忠詐於信詐於仁義詐於正
直不如詐於愚詐於弱詐於貧賤詐於退讓者爾於戲
詐可頌也乎哉詐有甚焉何如

第四

元子以為人之惑也惑於邪惑於佞惑於姦惡惑於兇
暴不如惑於狂惑於誕惑於翫弄惑於諧戲者爾於戲
惑可頌也乎哉惑有甚焉何如

第五

元子以為人之貪也貪於權貪於位貪於取求貪於聚
積不如貪於德貪於道貪於閑和貪於靜順者爾於戲
貪可頌也乎哉貪有甚焉何如

第六

元子以為人之溺也溺於聲溺於色溺於圓曲溺於妖
妄不如溺於仁溺於讓溺於方直溺於忠信者爾於戲
溺可頌也乎哉溺有甚焉何如

第七

元子以為人之忍也忍於毒忍於媚忍於詐忍於貪
溺不如忍於貧忍於苦忍於棄汚忍於病廢者爾於戲
忍可頌也乎哉忍有甚焉何如

訂古五篇 有序

天寶癸巳元子作訂古訂古前世君臣父子兄弟夫婦朋友之道於戲上古失之中古亂之至於近世有窮極凶惡者矣或曰欲如之何對曰將如之何吾且聞之訂之嗟之傷之泣而恨之而已也

第一

吾觀君臣之間且有猜忌而間疑懼其由禪讓革代之道誤也故後世有劫篡廢放之惡興焉嗚呼即有孤弱將安託哉即有功業將安保哉

第二

吾觀父子之際且有悲感而聞痛恨其由聽讒受亂之意感也故後世有幽毒囚殺之患起焉嗚呼即有深慈將安興哉即有至孝將安訴哉

第三

吾觀兄弟之中且有鬪爭而聞殘忍其由分國異家之教薄也故後世有陰謀誅戮之害生焉嗚呼即有友悌將安用哉即有恭順將安全哉

第四

吾觀夫婦之道且有冤怨而聞嫌妬其由耽淫惑亂之情多也故後世有滅身亡家之禍發焉嗚呼即有信義將安及哉即有柔順將安守哉

第五

吾觀朋友之義且有邪詐而聞忌患其由趨勢近利之心甚也故後世有窮凶極害之刑生焉嗚呼即有節分將安與哉即有方正將安容哉

自述三篇

有序

天寶庚寅元子初習靜于商餘人聞之非非曰此在
者也見則茫然無幾人聞之是是曰此學者也見則
猗然及三年人聞之參參曰此隱者也見則崖然有
惑而問曰子其隱乎對曰吾豈隱者邪愚者也窮而
然爾或者不喻遂為述時命以辯之先曾為述居一
篇因刊而次之總命曰自述

述時

昔隋氏逆天地之道絕生人之命使怨痛之聲滿于四海四海之內隋人未老隋社未安而隋國已亡何哉奢淫暴虐昏惑而已承人苦之上訴皇天皇天有命於我國家六葉于茲高皇至勤文皇至明身鑒隋室不敢滿溢清儉之深聽察之至仁惠之極泱泱洋洋為萬代則聖皇承之不言而化四十餘年天下太平禮樂化於戎夷慈惠及於草木雖奴隸齒類亦能誦周公孔父之書說陶唐虞夏之道至於歌頌謳吟婦人童子皆紆性情

美辭韻指詠時物與絲竹諧會綺羅當稱况世貴之士
博學君子其文學聲望安得不顯聞於當時也哉故冠
冕之士傾當時大利軒車之士富當時大農由此知官
不勝人逸於司領使秩次不能損又休罷以抑之尚駢
肩累趾授任不暇予愚愚者亦當預焉日覺抵塞厭於
無用乃以因慕古人清和蘊純周周仲仲瘞於計反然全
真上全忠孝下盡仁信內順元化外娛大和足矣如戚
促蚩諸稱脂反封蒙遏滅慕為朝貴心所不喜亦由金可

鎔不可使為汙腐水可濁不可使為塵糞然已鄙語曰
愚者似直弱者似仁予殆有之夫復何疑

述命

元子嘗問命於清惠先生先生曰子欲知命不如平心

平心不如忘情喏

如酌反
敬言也

曰幸先生教之先生曰夫平

心能正是非忘情能滅有無子何先焉曰請先忘情先
生曰子見草木乎子見天地乎草木無心也天地無情
也而四時自化雨露自均根柢自深枝幹自茂如是天

地豈醜授而成哉草木豈憂求而生哉人之命也亦由是矣若天若壽若貴若賤烏可強哉不可強也不可強也不如忘情忘情當學草木嗚呼上皇強化天下天下化之養之以道德道德偽薄天下亦從而偽薄嗚呼後王急濟天下天下從之救之以權宜權宜侈惡天下亦從而侈惡故赴貪徇紛急之風以至于今聖賢者兢兢然猶傷命性愚惑者恩恩然遂忘家國其由不審不通醜授憂求而已子不喻乎

述居

天寶庚寅元子得商餘之山山東有谷曰餘中谷東有

山曰少餘山谷中有田可耕藝者三數夫

百畝

夫有泉停

浸可畦稻者數十畝泉東南合肥溪溪源在少餘山下

溪流出谷與淥

職隆反

水合匯于淠將成所居故人李才

聞而來會乃歎曰吾未始知夫子之所至焉今知之矣

吾聞在貧思富在賤思貴人之常情也聖賢所有然而

知貧賤不可苟免富貴不可苟取上順時命乘道御和

下守虛澹修己推分稱君子者始不公乎乃相與占山
泉闢榛莽依山腹近泉源始為亭廡始作堂宇因而習
靜適自保閑夫人生於世如行長道所行有極而道無
窮奔走不停夫然何適予當乘時和望年豐耕藝山田
兼備藥石與兄弟承歡於膝下與朋友和樂於琴酒寥
然順命不為物累亦自得之分在於此也

次山集卷五